

LE
TRIOMPHE
DES ARMES,
PARISIENNES.

ET LE RETOUR DE L'ABONDANCE
à Paris.



A PARIS,
Chez CLAUDE MORLOT, rue de la Bucherie,
aux vieilles Estuves.

M. D C. X L I X..

25

Case

F

37

326

TRIMBLE

1649

DES AMES





LE TRIOMPHE DES ARMES PARISIENNES.

ET LE RETOUR DE L'ABONDANCE à Paris.

Les audacieux Mazarinistes ayans inhumainement conjuré la ruine de Paris, ne se sont pas contentez pour en venir à bout de l'enclorre de tous costez pour l'affamer, & d'auoir laissé mille marques de leur fureur & de leur rage à saint Denis, à Surene, à saint Cloud, à Meudon, à Clamar, à Charenton, & en tous les autres lieux que leur barbarie a occupez, ils ont encore depuis ce temps-là formé de nouueaux desseins pour pis faire. Desesperez de ce qu'ayant quitté Charenton ou ils ont fait des cruautéz de Scithes, nous nous en estions saisis, & fortifiez, commandé vn porte-fou auantageux pour fauoriser les viures qui peuuent venir par la riuiera de Marne, ils resolurent de l'attaquer & de nous en faire sortir.

Pour faire reüssir cette entreprise ils mirent toutes leurs forces sur pied, & y vinrent faire vn siege. Il est vray qu'apres la forte & genereuse resistance du Magnanime de Clanleu, dont la memoire sera tousiours eternelle, ils le prirent: mais avec beaucoup plus de honte que de gloire, & avec beaucoup plus de perte que d'auantage. Le lendemain ils ne laisserent pas de faire toutes sortes d'efforts pour raur vn important conuoy

4

dont le Duc de Beaufort estoit le fameux conducteur: mais ils y furent battus d'importance, & les viures furent conduits heureusement à Paris. En suite ayans sçeu que les braues Marquis de Vitry & de Noirmontier s'estoient emparez de Brie contre Robert, passage tout à fait important, ils l'alloient assieger, mais ils reüssirent si mal pour eux, qu'ils deuinrent d'assiegeans assiegez, & de victorieux vaincus.

• Tout cela font dans les mauuais succez pour inthimer des courages qui auroient la vertu pour guide: mais comme le vice est le principal ressort qui les fait mouoir, il ne faut pas s'estonner si d'un abysme ils tombent bien-tost dans vn autre; Ils l'experimenterent. Mardy dernier, que leur temerité fut encore assez grande de s'attaquer derechef à des gens qui les auoient tousiours battus. Pour tirer reuanche de tant de mauuais euene-
mens, ils assemblerent leurs forces pour s'opposer au plus grand & plus auantageux conuoy qui fut encore entré dans Paris, sans qu'ils remportassent autre chose de leur tentatiue, que le des-honneur d'auoir esté derechef deffaits, laissé vn grand nombre de personnes, & enduré qu'à leur barbe on fit entrer victorieusement vn conuoy d'un grand nombre de charrettes chargées de bled, de farines, & d'autres alimens conuenables à la vie, dans la ville, ils doiuent craindre qu'au lieu de nous affamer nous ne les affamions eux-mesmes, & qu'au lieu de nous destruire nous ne les fassions perir.

Le Ciel est trop iuste pour ne pas proteger la justice, & Dieu vueille estre misericordieux pour pardonner aux coupables. Ceux qui font gloire d'introduire le vice au
lieu

5

lieu de la vertu, doiuent craindre les iugemens pour euit-
ter leur supplice. Il n'y a rien qui déplaïse plus à ce Crea-
teur de toutes choses que l'orgueil & l'obstination, &
i'apprehende bien fort que vos ennemis qui sont tachez
de ces horribles crimes, en pensans ne s'esleuer que par
eux, ne soient abbaïssés par eux mesmes. L'humilité n'est-
elle pas la Princeesse des vertus, & pourquoy donc les
Mazarinistes ont ils tant de meschanceté & d'audace de
pēser vouloir affamer vn peuple fidelle, pour qui le Ciel
fait naistre en leur Ville l'abondance; Courage genereux
Parisiens, esprits plus resolus qu'affligez, efforcez-vous
contre l'attaque de vos ennemis, que vostre constance
surmonte vostre affliction, & que vostre courage triom-
phe de l'orage. Il ne faut plus que vous rampiez contre
la terre, prenez vn vol plus haut, & en ramenant les rui-
seaux à leur source, les lignes à leur conference, la crea-
ture au createur, & le seruiteur à son Maistre, il est temps
de les vnir ensemble par les sacrez liens de la prouidēce.

Retirez-vous de nous esperances humaines, consola-
tions des hommes, qui n'estes que des fumées passage-
res, il faut chercher tout nostre repos dans la Prouiden-
ce de Dieu, qui seule par sa diuine autorité peut anean-
tir la force de nos enuieux, & faire cesser la violence de
nos miseres. Il faut que deormais toutes nos pensées
soient employées à la meditation de cette sainte puis-
sance, qui regit, ordonne, & dispose de toutes choses
comme bon luy semble.

La terre & les Cieux sont les œuures des mains de
Dieu; le monde est à luy, les hommes sont ses creatures,
sa Prouidence s'estend par tout, sa volonté est absoluë,

il n'est que vie, il sçait iusques où il faut conseruer la vie, est-il donc pas iuste de se remettre du tout en sa prouidence & en sa volonté? Quand ainsi seroit, que nous qui sommes bloquez par vne armée tyranne & Cardinaliste, voir expiré le terme de nos iours, aurions nous raison d'y trouuer à redire, puis que nous sçauons bien que le tout-puissant retire les vns du berceau les autres en la fleur de leur âge, & qu'enfin l'on meurt par sa volonté, enfans, ieune, ou vieil.

Representons-nous que nous ne sommes pas venus au mōde pour y regler les termes de la vie, ny pour establir des loix à la mort, mais bien seulement pour obeyr à celles de Dieu; s'il est certain que les oyseaux du Ciel, les animaux de la terre, & iusques aux fourmis mesmes, sont nourries & esleuez par cette sainte Prouidence, n'auons nous pas raison de iuger, que l'homme qui est créé à l'image de son Dieu, & qui a esté racheté par le precieux sang du Sauueur du monde ne subsiste que par elle? Tous les hommes en general sont secourus, assistez, & maintenus par cette mesme Prouidence; ne deuons nous donc pas croire qu'elle a vn particulier soin des fidelles enfans de Dieu qu'il s'est reserué, & dōt il ne veut pas qu'aucun perisse. C'est d'eux, dont il ne s'esloigne iamais, ny de presence, ny d'affection, il loge en eux comme dans son Temple pour les sanctifier, & incessamment il est autour d'eux pour les couvrir de sa faueur, & les cacher de tous costez sous l'ombre de ses aisles. Ne doutons donc point qu'il ne nous des-assu-jettisse bien-tost de la tyrannie, où le Cardinal veut continuer de nous faire viure.

Nous qui ne marchons sur la terre qu'en ignorance & en apprehension de ce qui nous aduendra aujourdhuy ou demain, serions-nous bien si temeraires que de vouloir reformer les actions de Dieu, à qui les Cieux sont soubmis, à qui la Terre s'humilie, à qui les feux, à qui les vents, & à qui les eaux obeïssent? Quand Dieu afflige les hommes, les sujets & les Royaumes de famine, à t'on droit d'intenter vn procès contre luy, s'il nous chastie pour nos pechez, & qu'il nous oste la vie qu'il nous auoit prestée, nous oste-t'il quelque chose du nostre? Qui est-ce qui peut s'opposer à ces Arrests; ne sont-ils pas donnez souverainement & sans appel, où se trouuera-t'il des presumptueux qui vueillent censurer ses actions? Sera-ce l'homme qui ne sera plus homme, s'il luy plaist; non. Qui empêchera donc les effets de sa volonté; sera-ce l'affliction, sera-ce la tristesse? Qu'elles gemissent, & qu'elles se tourmentent tant qu'elles voudront, Dieu ne laissera pas d'exécuter ses volontez. Il faut, il faut, chers Parisiens, que tous nos desirs soient en luy, que nous soyons conduits & reglez selon sa parole, & selon la loy prescrite aux Chrestiens, & le tout avec vne parfaite soubmission à sa volonté, & avec vne parfaite obeyssance. Toutes les plaintes demesurées, & tous les ennuis continuels qui mesprisent les consolations, sont des repugnances de sujets rebelles, & d'enfans desobeyssans. Noyons donc toutes les douleurs, que la fureur & la violence des Cardinalistes nous causent dans la source de la prouidence diuine: car mes chers compatriotes, c'est dans ce port, ou le fragile vaisseau de nostre vie doit trouver son talent assésuré. Nos aduersaires auront beau nous faire souffrir, & nous affliger, nous ne pouuons trouuer de relasche à nos maux, ny adoucir nos amertumes que dans la seule consolation de la volonté de Dieu. C'est pourquoy, il est tres-iuste d'endurer patiemment les peines que nos ennemis nous font endurer sans nous plaindre. Que l'on sçache que les plaintes continuelles des affligés & leurs tristesses infinies les accutent, & tesmoignent que la volonté de Dieu, n'est pas écrite dans leurs cœurs. Si tous les iours les Chrestiens disent parlant à luy-mesme, que sa volonté soit faite en la Terre comme au Ciel, ces ennuis extrêmes ne dementent-ils pas leurs bouches, & les rendent coupables & criminels deuant luy? Ainsi la volonté de Dieu doit estre la nostre; chercher son Royau-

me icy bas c'est s'informer de sa volonté & la faire.

Voila de quelles armes nous deuons nous munir pour combattre les Mazarinistes, que nous vaincrons bien-tost Dieu aydant. Ce ne sont que des cruels & des barbares : mais il ne faut pas s'en estonner, puis que leur chef est Sicilien, & qu'on peut dire iustement qu'il est issu d'un pays d'où il est sorty beaucoup de monstres. Sans doute qu'il a appris sa Politique de Denis Tyran de Siracuse ; il estoit tyran comme luy, à la reserue que son infame naissance ne la pas fait souuerain, & ne fait-il pas des actions aussi tyranniques que les siennes ? Nous auons parmy nos Generaux des Alcides, qui peuvent dompter des monstres, que pouuons-nous moins esperer d'eux que des merueilles ? le Dieu des armées ne s'est-il pas armé pour leur deffense ? Esperons tousiours en la prouidence Celeste ie vous y excite en finissant ce discours, & vous verrez en suite, qu'apres la jonction des troupes Normandes, commandées par ce grand & valeureux Prince le Duc de Longueuille aux Parisiennes, nos ennemis receuront la loy de ceux à qui ils croyoient la faire. C'est vne chose trop certaine, Dieu le veut, la Iustice sous le nom du Parlement l'entreprend, le Clergé & la Noblesse du Royaume sont de nostre party, y a t'il sujet de craindre les precipices, estans appuyez sur de si bons & de si solides fondemens ?

F I N.